

原书缺页

原书缺页

水自苔。積火自灰。水貯金則不涸。金入土則自行。五金蘊而高山童。草種落而堅城崩。溼蟲避燥。土木蟲僵。西風雞以冲而鳴。卯鼠以合而動。丑再胎之豕食赤蛇。獬豸懼火蛟螭之屬畏金。或強而懾弱。大而畏小。柔而破堅。大抵得氣純而厚者其徵專。得氣雜而薄者其徵錯。有難言之理。無無理之物。非博學不能知。徒博學不能盡知。吾嘗瀏覽術數之書矣。未始不歎自古日星相卜。堪輿奇遁諸家。其至神奇者。亦僅得陰陽五行之蹊濬。而更不能無欲無尤乎。刪通華陀。郭璞。郭馨。李虛中輩。往往以用非其道。而禍身苟有人焉。靜觀萬有。由萬返一。超離乎吉凶禍福。而參陰陽五行自然之奧。則數不外道。固一格致。天人之學也。君子惟當鑒其所得小。而所用不正。若以箏琶媚人。而疑五音之不能通神。文章欺世。而詆經傳之不足致治。不亦偵哉。

柔易馴。螭音癡。舊說若龍而黃無角。亦作彫。

獬音制。獬豸類獬虎。爪食人迅走。獬音陌。獸名。體小於驢。皮厚以犀毛短。頸粗。眼小。鼻突出。長於下唇。屈伸自由。常食水芽果實之屬。性

珊按此篇以蝨不南。磁石之鍼不東西。朝於東牆而避日。問諸東隣之

西牆有杲杲而已。足破仁宗東家之西。卽西家之東。二語之愚。以義卦亦代數。數成而義理見。義理見而吉凶生。禱子而得一二。求偶而遇二。四。能謂其非徵乎。足破袁簡齋幹枝無義理。無殊一二三四代數之惑。以積油自然。積水自苦。積火自灰。水貯金則不涸。金入土則自行。證明五行相生。以五金蘊而高山童。草種落而堅城崩。溼蟲避燥土。木蟲僵西風。證明五行相尅。雞以衝而鳴卯。鼠以合而動丑。證明地枝合衝。此等議論。斑斑可考。非格物致知讀書明理者。不能道其隻字。至於蒯通。華陀。郭璞等。用非其道而禍身。亦是平允之論。未謂以箏琶媚人。而疑五音之不能通神。文章欺世。而詆經傳之不足致治。尤爲精闢。立言如是。可不朽矣。

歲有三百六十日之物候

空同子云。時甲子。五日一周。周六而成月。月甲子。兩月一周。周六而成歲。歲甲子。六十歲一周。周六而爲三百六十。倮蟲三百六十。而人長之。毛蟲

三百六十而麟長之。羽蟲三百六十而鳳長之。介蟲三百六十而龜長之。鱗蟲三百六十而龍長之。皆六之則也。

歲有四時之物候

徐鉉圖經本草云。象膽隨四時。春在前左足。夏在前右足。秋後左足。冬後右足也。淳化中。一象春斃。太宗命取膽不獲。問鉉。鉉以此對。果得於前左足。

歲有十二月之物候

本草綱目云。諸畜肝數皆定。惟獺肝一月一葉。十二月則十二葉。

十二月次序之物候

段成式酉陽雜俎云。鷓鴣飛數逐月。如正月一飛而止於窠中。不復起矣。

鷓鴣之夜切。音柘。鷓鴣。攻乎切。音孤。鷓鴣。鳥名。形似斑鳩。胸有白色圓點。背有紫赤色波文。

月建大小之物候

埤雅云。科斗月大。盡先生前兩足。小。盡先生後兩足。

歲有閏月之物候

埤雅云。黃楊木。性堅緻難長。俗云。歲長一寸。閏年倒長一寸。

又云。藕生應月。月生一節。閏輒益一。

爾雅翼云。牡丹遇閏歲花輒小。又云。苾菰種水中。一莖收十二實。歲有閏。則十三實。調燮類編云。苾菰一根環十二子。閏年十三子。

羽毛考異云。鳳尾十二翎。遇閏歲生十三翎。今樂府小調尾聲一十二板。以象鳳尾。故曰尾聲。或增四字。亦加一板以象閏。

石室奇方云。梭欄俗名棕披。其本最堪爲屐。其木應月生片棕。遇閏則生半片。歲長十二節。閏年增半節。

雲南志云。和山花樹。高六七丈。其質似桂。其花白。每朵十二瓣。應十二月。遇閏輒多一瓣。俗以爲仙人遺種。

又云。優曇花。在安寧州西北十里。曹溪寺右。狀如蓮。有十二瓣。閏月則多一瓣。色白氣香。種來西域。亦娑羅花類也。

歲閏何月之物候

遁甲書云。梧桐可知閏月。無閏生十二葉。一邊有六葉。從下數。一葉爲一月。有閏則生十三葉。視葉小者。則知閏何月。

正月之物候

周書時訓云。立春之日。東風解凍。後五日蟄蟲始振。後五日魚上冰。雨水之日。獺祭魚。後五日鴻雁北。後五日草木萌動。

二月之物候

又曰。驚蟄之日。桃始華。後五日倉庚鳴。後五日鷹化爲鳩。春分之日。元鳥至。後五日雷乃發聲。後五日始電。

三月之物候

又云。清明之日。桐始華。後五日田鼠化爲鴛。後五日虹始見。穀雨之日。萍始生。後五日鳴鳩拂其羽。後五日戴勝降於桑。

鴛。音如。鳥名。
鳩。鶉之別稱。

四月之物候

又云。立夏之日。螻蛄鳴。後五日。蚯蚓出。後五日。王瓜生。小滿之日。苦菜秀。後五日。靡草死。後五日。麥秋至。

五月之物候

又云。芒種之日。螳螂生。後五日。鵙始鳴。後五日。反舌無聲。夏至之日。鹿角解。後五日。蟬始鳴。後五日。半夏生。

鵙。音決。鳥名。伯勞也。體長七八寸。嘴短。上嘴如鉤。而尖。其側緣有齒。狀缺刻。尾極長。止則上下搖動。亦名百舌。或作鵙。

六月之物候

又云。小暑之日。溫風始至。後五日。蟋蟀居壁。後五日。鷹乃學習。大暑之日。腐草爲螢。後五日。土潤溽暑。後五日。大雨時行。

七月之物候

又云。立秋之日。涼風至。後五日。白露降。後五日。寒蟬鳴。處暑之日。鷹乃祭鳥。後五日。天地始肅。後五日。農乃登穀。

八月之物候

又云。白露之日鴻雁來。後五日元鳥歸。後五日羣鳥養羞。秋分之日雷始收聲。後五日蟄蟲坯戶。後五日水始涸。坯音培。益也。以土封隙也。

九月之物候

又云。寒露之日鴻雁來賓。後五日雀入大水爲蛤。後五日菊有黃花。霜降之日豺乃祭獸戮禽。後五日草木黃落。後五日蟄蟲咸俯。

十月之物候

又云。立冬之日水始冰。後五日地始凍。後五日雉入大水爲蜃。小雪之日虹藏不見。後五天天氣上騰。地氣下降。後五日閉塞而成冬。

十一月之物候

又云。大雪之日鶡旦不鳴。後五日虎始交。後五日荔挺出。冬至之日蚯蚓結。後五日麋角解。後五日水泉動。鶡音葛。鶡旦、鶡旦、狀如蝙蝠而大。亦名寒號蟲。展翅達二尺餘。尾小。頭及腹部帶赤色。餘皆黑色。

十二月之物候

又云。小寒之日雁北向。後五日鵲始巢。後五日雉鳴。大寒之日鷄乳。後五

日征鳥厲疾。後五日水澤腹堅。

雉、音豸。鳥名。形狀習性與雞相類。雉者甚美麗。目赤。尾甚長。鳩則否。棲息山野。食穀類嫩菜及蟲。侵及禾稼。故

爲害鳥。鳩、音購。雉鳴也。

月令陰陽之物候

孟康漢書注云。冬至先三日。垂土炭於衡之兩端。輕重適均。冬至陽氣至則炭重。夏至陰氣至則土重。

六經天文編引張氏曰。陽生於子。實兆於亥。故十月薺麥生。陰雖生於午。實兆於巳。故四月靡草死。

朔望弦晦之物候

大戴禮記云。朱草日生一葉。至十五日。生十五葉。十六日。一葉落。終而復也。路史云。朱草者。百草之精。狀如小桑。栽子長三四尺。枝莖如珊瑚。生名山石巖之下。刺之如血。其葉生落隨月晦朔。亦如蓂莢之類耳。

帝王世紀云。堯時階前蓂莢。每月朔日生一莢。至月半生十五莢。至十六日後。日落一莢。至月晦而盡。若月小則餘一莢。厭而不落。故王者不必按

歷而知朔。

種樹書云。菠薐過月朔乃生。今月初一初二種。與二十七八日間種者。皆過來月初一乃生。驗之信然。菠薐國菜名。

呂氏春秋云。月也者。群陰之本也。月望則蚌蛤實。群陰盈。月晦則蚌蛤虛。群陰虧。月形於天。而羣陰化於淵。

林泉隨筆云。婺州之屬邑曰浦江。其地有泉。名曰月泉。其水晦日則涸。月生明則漸瀉出。未望則長。既望則滿也。

埤雅云。驢馬駒隨母行。有在前者。有與母竝者。有隨後者。此由生時爾。月初生者在前。月半生者處中。月末生者居後。

西溪叢話云。會稽碑論海潮云。隨日而應月。依陰而附陽。盈於朔望。消於朏魄。虛於上下弦。息於輝朒。朒音婁。月未盛之明也。

日有十二時之物候

羣芳譜云。十二時竹產蘄州。其竹繞節凸生子。丑寅卯等十二字。點畫可

數。

嶺表錄異云。十二時蟲五色者。身尾長丈餘。腦上連皆有髻鼠。草樹上行極迅速。亦多在人家籬落間。俗傳云。一日隨十二時變色。因名之。埤雅云。蜥易日十二時變色。故曰易也。

漢書五行志云。雞者小畜。主司時。起居人註。至時而鳴。以爲人起居之節。埤雅云。易曰。巽爲雞。兌見而巽伏。故爲雞。雞知時而善伏。故也。讀書錄云。丑前雞先鳴者。陽氣動也。午中雞亦鳴者。陰氣動也。

陶朱公書云。金錢一名子午花。午開子落。吳人呼爲夜落金錢。

戊巳二幹之物候

抱朴子云。鶴知夜半。燕知戊巳。宋朱翌猗覺寮記云。燕作巢避戊巳日。白樂天禽蟲詩云。燕違戊巳。鵲避歲初。明郎瑛七修類稿云。燕水鳥也。故名玄鳥。其來去皆避社日。不以戊巳日取土爲巢。書戊巳於巢則去。皆因土克水也。

十二生肖之物候

酉陽雜俎云。十二辰蟲。狀似蛇醫。脚長。色青赤。肉鬣。暑月時見於籬壁間。俗云見者多稱意事。其首條忽更變爲十二辰狀。鬣音獵。長鬚也。

珊按。歲時廣記云。蛇醫。卽蜥蜴。又名蜥蜴。字典云。蜥音錫。蜥蜴。脊椎動物之一。長六七寸。有四脚。似壁虎。俗名四脚蛇。雌褐色。雄青綠色。舌短。尾易斷。常棲石壁之隙。捕食細蟲。蜥音偃。蜥蜴。脊椎動物之一。一名守宮。俗謂壁虎。狀如蜥蜴。而體尤扁平。灰褐色。有四足。善緣牆壁。並不螫人。捕食昆蟲。爲有益動物。據此則蜥蜴與蜥蜴。似同實異。茲並錄之。以俟博物家考正。

本草綱目云。象具十二生肖肉。各有分段。惟鼻是其本肉。膽不附肝。隨月在諸肉間。如正月卽在虎肉也。

珊按。己酉秋。晤宋午庭先生。詢以貴處東臺濱海之地。物產必饒。渠云。東海出產。以動物占多數。而尤以閩魚爲最奇異。蓋尋常之魚。無論巨

細。形狀不更。每年應時而出。閏魚則非閏年不可見也。且形狀不一。按所閏之年。枝生肖而變更焉。如子年則鼠首魚尾。丑年則牛首魚尾。推而至於寅年虎首。卯年兔首。無不酷肖。光緒甲申閏月。余曾親見閏魚之形狀。猴首魚尾。身長十餘丈。肋骨幾及丈餘者。但此魚非人力所能捕獲。必待海潮驟落。自斃沙灘。乙卯秋。又與葉子實先生縱談及此。所見亦同。據二君之言。則海隅動物。有若此之靈異。地枝生肖。有若是之明證。誰謂幹枝假設。生肖無憑耶。此按。曾載拙著命理探原。

火能尅金。金能尅木之物候

空同子云。麥種於秋。而焦於夏。火尅金也。麥穗直而芒。有兵象焉。穀種之春。而焦於秋。金尅木也。穀穗垂而毛。有木象焉。

卜筮星相學與科學相通

五行之氣合天地之氣

五行。氣也。氣不可見。不可量。不可狀。欲其易知。則姑以性情相似之。水木

火金土爲名。老子所謂道不可道。無以名之。強名爲道。是也。執泥於實物。妄求其關合。是爲不知神化。局拘於偏見。武斷其虛無。是爲未測高深。天地之氣。蘊而未顯者。多矣。蠡測管窺。寧知廣大。彼冷光死光。未發見以前。又曷嘗可見可量可狀耶。

得天地之氣獨厚者謂之人

人稟天地之氣以生。而得氣獨厚者也。識者疑吾言乎。則試與求地球。尙在星雲時代。曷嘗有動植物種子之存在。其後以次而生。何一非氣之所結。特稟受有所不同。則形狀莫能不異。達爾文創爲進化之說。遂開今日弱肉強食之風。其罪甚大。其見亦誤。彼謂人實猴之進化。不知人自人。猴自猴。若謂形狀相同。組織相同。則虎與貓。皆肉食類。動物家以貓虎爲同科。大小雖不一。外表實相同。謂虎卽貓之進化。豈不悞乎。則人之得氣獨厚。與非猴之進化。亦可以悟矣。

幹枝二十二字如化學之符號

幹枝二十有二。有爲考據之學者。謂卽古之字母。並謂與歐文字母通。如甲（古文𠂔）卽A。丁卽T之類。吾未研字源。莫知究竟。要之古人以干支代表五行之陰陽正氣雜氣。正如今日之化學符號。然八字是一分子式。既有分子式。是其中之成分業已明布。據八字以斷人一世之榮枯。誰謂其根據薄弱。獨惜未精斯道者。不免有曲斷誤斷之處。

十幹陰陽之理證以電學數學益明

甲爲一數。爲陽始。在十中爲至尊。奇門遁甲（遁之爲言隱也）隱之而不敢用也。凡數莫不始於一。窮於九。（十復變爲一）無一則無二。又安得有九。一生二。二生三。生之不已。數遂繁賾。則一之爲至尊。又豈待言。夫一生二。陽生陰也。二生三。陰復生陽也。陰陽相生之理。以電學證之。卽悟至一生二事。似無稽。而實有至理。物有實體。亦必有影體。影體者。對體也。達摩面壁。影深入壁。方孝孺之血。沁入石中。至今猶留影像。其例不一。要之皆自實體傳來。故今之相對論者。於第二空間之外。更倡第三第四空間之